

III.

STOFNUN GLAÐS

Hestamannafélagið Glaður var stofnað í þinghúsi Miðdalahrenpps á Nesodda, 20. júlí 1928. Hestamannafélagið Fákur í Reykjavík var stofnað 1922 og Glaður var fyrsta félag sinnar tegundar utan Reykjavíkur.

Í afmælisriti Fáks frá árinu 1949 segir svo á bls. 96: „Var mál þetta (stofnun hestamannafélaga) rætt lítilsháttar á næsta aðalfundi, 24. febrúar 1926 og oftar bar það á góma bæði á fundum og utan þeirra í hópi Fáksfélaga. – En á fundi 13. júní 1927 var samþykkt að kjósa 3ja manna nefnd, til þess að koma fram með tillögur um stofnun hestamannafélaga út um land, og í nefndina kjörnir Lúðvig C. Magnússon, Óscar Clausen og Einar E. Sæmundsen. Þá um vorið fóru Dalamenn að hugsa um að koma á með sér félagsskap hestamanna og fólu Lúðvig C. Magnússyni að leitast fyrir um það hjá Fáki, hvort þaðan myndi að vænta einhvers fjárstuðnings, ef úr félagsstofnun yrði. Frá þessu skýrði Lúðvig á fundi 9. júlí þá um sumarið, og gat þess jafnframt að áhugamenn í Miðdöllum myndu efna þar til kappreiða innan skamms og færi því vel á, að Fákur glæddi þann áhuga með lítilsháttar fjárstyrk. Fundurinn tók þessu vel og samþykkti að veita 120 krónur í þessu skyni, en með því skilyrði þó, . . . „að komið verði upp þar vestra skipulagsbundnum félagsskap hestamanna, og fjárhæðinni, ásamt því fé, sem

áskotnast á kappreiðunum, verði varið til verðlauna á þessum fyrstu kappreiðum. – Var Lúðvig C. Magnússyni falið fyrir Fáks hönd að vera á þessum kappreiðum og sjá um að farið yrði að öllu leyti eftir kappreiðareglum Fáks. Fór Lúðvig síðan vestur og vann að því, að þar var stofnað hestamannafélagið Glaður, 20. júlí með 17 þátttakendum og tveim dögum síðar fóru svo kappreiðarnar fram. Urðu Dalamenn því fyrstir að ríða á vaðið um stofnun hestamannafélaga.“ – Hér lýkur frásögn afmælisrits Fáks.

Í þessari frásögn hér að framan kemur ljóslega fram, að hinn drengilegi stuðningur Fáksfélaga réði miklu um stofnun félagsins. – Hins er líka að geta að tveir af þremur í útbreiðslunefnd Fáks, þeir Óscar Clausen og Lúðvig voru vel kunnugir hér í sýslu. Óscar hafði um árabil unnið við fjárkaup og verslun, sérstaklega í Suðurdölum eins og glöggt kemur fram í bókum hans sumum. Hann segir einmitt frá hverjum gæðingnum eftir annan og sat raunar á sumum þeirra í ferðum sínum.

Lúðvig var líka kunnugur vestra, a.m.k. í Miðdolum, þar sem eiginkona hans, Ragnheiður Sumarliðadóttir var frá Breiðabólstað í Sökkólfssdal.

Upphafleg tala stofnenda er nokkuð á reiki. Eins og komið hefur fram, er í afmælisriti Fáks talað um 17 stofnendur, en í stofnfundargjörð Glaðs rita eftirtaldir menn, 18 að tölu undir yfirlýsingum um stofnun félagsins:

Jón Sumarliðason
Benedikt Jónsson
Baldvin Sumarliðason
Magnús Guðmundsson
Grímur Jónsson
Jóhann Kristjánsson
Kristján Jóhannesson
Ragnar Sigurðsson
Hannes Kristjánsson
Gísli Þorsteinsson

Guðlaugur Magnússon
Ólafur Finnbogason
Sumarliði Jónsson
Yngvi Finnbogason
Jón Jónsson
Bergjón Kristjánsson
Bjarni Gíslason
Pétur Sveinsson

Í fundargjörð stofnfundar segir á þessa leið: „Þau eru til-drög þessa félagsskapar að þeir Lúðvig C. Magnússon útgerðarmaður í Reykjavík og Jón Sumarliðason hrepp-stjóri á Breiðabólsstað ræddu um það eitt sinn sín á milli vorið 1927, að stofna bæri til félagsskapar í Dalasýslu með svipuðu fyrirkomulagi og hestamannafélagið Fákur í Reykjavík.

Í júnímánuði sama ár kom Lúðvig C. Magnússon til Búðardals og átti þá tal um þessi mál við þá Baldvin Sumarliðason í Fremri-Hundadal, Grím Jónsson og Benedikt Jónsson í Neðri-Hundadal. Pessir menn færðu þetta svo í tal við ýmsa sveitunga sína og alls staðar kvað við sami tónninn, að það væri hið mesta nauðsynja- og velferðarmál að stofna til félagsskapar, er beitti sér fyrir bættri meðferð hesta – og um leið, glæddi áhuga og þekkingu á ágæti hesta og íþróttum.

Svo var það að Jón Sumarliðason var staddur í Reykjavík í byrjun þessa mánaðar, og kom hann þá að máli við Lúðvig C. Magnússon, hvort hestamannafélagið Fákur myndi ekki vilja styrkja Dalamenn að einhverju leyti með verðlaun á kappreiðum, er fram ættu að fara í Miðdalahrennpi í lok mánaðarins. Lúðvig C. Magnússon bar fram í nefndu félagi beiðni um fjárstyrk í þessu skyni, og sýndi félagið þá miklu velvild að veita 120 krónur. Jafnframt var Lúðvig C. Magnússyni falið að mæta á nefndum kappreiðum fyrir hönd félagsins og leiðbeina með undirbúning allan, svo og að stofna í Dalasýslu félag, er hefði sömu stefnuskrá og hesta-

mannafélagið Fákur. Kom svo Lúðvig C. Magnússon hingað 16. þ.m. og hefur síðan starfað að undirbúningi undir kappreiðarnar og þessa félagskapar.

Kappreiðarnar eiga að fara fram 22. þ.m. á skeiðvelli þeim, sem forgöngumenn þessa félags hafa beitt sér fyrir, að ruddur yrði á bökkunum fyrir austan Nesodda.

Málshefjandi á fundinum var Lúðvig C. Magnússon. Minntist hann á nauðsynina að stofna slíkan félagskap og kvatti hann fundarmenn til þess að duga nú félagi þessu vel. Bar hann kveðju frá hestamannafélaginu Fáki. Þegar hann hafði lokið máli sínu var kosinn fundarstjóri Jón Sumarliðason. sem kvaddi til ritara Benedikt Jónsson. Pá kvaddi sér hljóðs Lúðvig C. Magnússon og lagði fram uppkast að lögum fyrir félagið og gaf fundinum skýringar á þeim.

Kom þá að því að gefa þyrfti féluginu nafn. Urðu um það nokkrar umræður, og komu fram ýmsar tillögur, svo sem Gyllir, Gulltoppur, Svanur, Glaður, Víkingur, Haukur, o.fl. Loks var samþykkt að nefna félagið Hestamannafélagið Glaður.”

HESTAPINGIN

Kappreiðavöllurinn við Nesodda er raunar í landi tveggja jarða, þ.e. Erpsstaða og Pórólfsstaða. Kappreiðasvæðið var löngum aðskilið frá Nesoddanum með kvísl úr Miðá, en Nesoddinn sjálfur sem hólm, enda lá fyrrum trébrú yfir kvísl þessa, eins og margir muna sjálfsagt enn í dag.

Á Nesodda stóð um langa hríð samkomuhús og þinghús Miðdalahrenpps. Elsti hluti þess húss var flutt frá Stóra-Skógi fyrir löngu síðan, en þar hafði það upphaflega verið reist um 1905 og þá yfir rjómabú, sem starfaði frá 1905 – 1908. Eftir að rjómabúið hætti starfsemi var húsið notað sem þinghús og samkomuhús sveitarinnar. Stóð svo þar til það var flutt fram á Nesodda. Orsök flutningsins var sú að langt þótti að sækja til mannfunda í Stóra-Skógi, enda á sveitarenda. Baldvin



Dugur frá Hrappsstöðum, 7 v. Faðir: Stígandi, Stykkishólmur. Móðir: Drífa, 3974. Eig.: Svavar Jansson, Hrappsstöðum. Knapi: Eig. Dugur stóð efstur í B-flokki á Nesodda 1983 með einkunni 8.69. Á fjórðungsmótinu á Kaldármelum 1984 varð hann í öðru sæti í B-flokki með einkunni 8.42. Ljósm. Eiríkur Jónsson.

bóni í Fremri-Hundadal bauð – ef af flutningi yrði, að heimila land fyrir húsið, því hólmi sá, er húsið var reist á, tilheyrdi ábýlisjörð hans, Fremri-Hundadal. Var þetta þegið af hreppsins hálfu og húsið flutt. Nokkru seinna byggði ungmennafélagið Æskan í Miðdöllum við húsið og hafði þar sína aðstöðu til fundarhalda um langt skeið.

Samkomuhúsið á Nesodda er fyrir stuttu síðan horfið sjónum og nýtt samkomuhús er risið á melunum við Tunguá.

Margir eiga fjölbreyttar minningar frá þeim árum er kappreiðamótin enduð með fjöri og gleðskap í gamla samkomuhúsini á Nesodda. Nokkur undanfarin ár hafa dansleikir í lok kappreiðanna verið haldnir í Dalabúð í Búðardal eða í 1980. Frásagnir eru uppi um fyrirkomulag dansleikja á Nesodda á fyrri árum. Var danstímanum skipt þannig, að danssalur var ruddur á klukkustundarfresti. Gat það tekið



Marteinn Valdimarsson, Búðardal á hesti sinum *Funa* frá Jörva. Kemur í mark á Pingvöllum 1978 á nýju Íslandsmeiti á brokki.

nokkra stund, en að því loknu var byrjað að selja inn aftur. Mun slíkt form dansleikja ekki hafa verið almennt stundað.

Fólk úr nágrannahérudum sótti alltaf Nesoddamótin, einkum Borgfirðingar og Mýramenn, en seinna fóru flokkar hestafólks og annarra að koma af Snæfellsnesi, norðan úr Strandasýslu og vestan fyrir Gilsfjörð. Burtflutt Dalafólk úr Reykjavík og viðar var á flestum samkomum og sumir fastagestir árum saman. Nokkuð var um það að bæði karlar og konur kæmu ekki í Dali nema á Nesoddamót, og má segja að því hafi svipað til Jörvagleði að því leyti, þótt almennt siðferði væri betra þar en sagnir herma frá síðustu Jörvagleðum.

Vist er um það, að frá mörgum Nesoddamótum áttu ýmsir ljúfar minningar, þar sem saman fléttuðust kynni við fólk og fagra hesta, en umgjörðin grænir vellir og hlíðar í hásumardýrð.



Á góðri stund. Í Laufskálarétt í Skagafirði. F.v. Grettir Guðmundsson, Búðardal, Kjartan Jónsson, Dunki, Skjöldur Stefánsson fyrrv. form. Glaðs, Guðmundur Guðbrandsson, Hóli.



Á Nesodda, 4. júlí 1987. Úrslit í B-flokki: Frá v.: 1. *Rispa*, knapi Jón Ægísson 2. *Drífandi*, knapi Guðmundur Ólafsson 3. *Draumur*, knapi Marteinn Valdimarsson.



Nesoddi í Miðdöllum um 1960. Ljósm. **Valdimar Jónsson**.



Hallur Jónsson frá Búðardal situr hestinn *Twist*. *Twistur* var gæðingur með allan gang og tók oft fyrstu verðlaun á skeiði á Nesodda og einu sinni á Faxaborg.



Eyjólfur Jónsson á Sámsstöðum í Laxárdal hefur verið í *Glað* í 29 ár. Hér situr hann á hryssunni Iðu, nr. 4095, en hún var ættmóðir nokkurra góðhrossa á Sámsstöðum.



Jón Hallsson, Búðardal, fyrrv. form. Glaðs situr á hryssunni *Hörpu* á Nesodda árið 1985. Harpa tók *Gleettubikarinn* fyrir skeið það ár.



Nesoddamót 1979. Efstu hestar í A-flokki gæðinga:
Frá h. *Fluga*, rauðglófext frá Stórholti, eig. Benidikt Frímannsson.
Knapi Erling Kristinsson, Hvítadal. *Stjarni*, eig. og knapi Eyjólfur
Jónsson Sámsstöðum. *Minnir*, eig. og knapi Jóhannes Stefánsson,
Kleifum. Allir þessir hestar voru 6 vетra þegar mótið var.



Eyjólfur Jónsson og *Stjarni* frá Sámsstöðum.

Hestaverslun var alltaf nokkur og á fyrstu kappreiðamótunum ásældust margir hesta af Dalakyni. – Á kreppuárnum 1930 – 40 féll margur bóndinn fyrir gullinu, ef riflega var af hendi reitt. Peningagreiðslurnar hafa sjálfsagt komið sér vel fyrir margan bóndann, en óneitanlega hefur sala hvers gædings skert svip hópsins.

Í tímans rás hefur fyrirkomulag kappreiðamótanna all-nokkuð breyst. Er slíkt að vonum. Fyrstu mótaskrárnar bera með sér að aðeins hefur verið keppt á skeiði, brokki og stökki. En eins og allir vita hafa nú nýjar greinar bæst við og keppt á öðrum vegalengdum. Það er eftirtektarvert að mörg fyrstu árin náðist ekki árangur í skeiðinu. Hestar vildu stökkva upp. E.t.v. hefur þetta verið mest meðan hestarnir voru óvanir keppni á staðnum.

STJÓRN OG STARFSHÆTTIR

Pegar fyrstu lög félagsins höfðu verið samþykkt á stofnfundinum var kosið í hina fyrstu stjórn. Pessir menn voru kjörnir:

Jón Sumarliðason, Breiðabólstað, formaður
Benedikt Jónsson, Fellsenda, ritari
Ólafur Finnbogason, Sauðafelli, gjaldkeri
Í varastjórn:
Magnús Guðmundsson, Skörðum, formaður
Gísli Þorsteinsson, Þorgeirsstaðahlíð, ritari
Hannes Kristjánsson, Hörðubóli, gjaldkeri.

Á stofnfundi var svo kosið í þessar starfsnefndir:

Í skeiðvallarnefnd:
Baldvin Sumarliðason, Fremri-Hundadal
Sumarliði Jónsson, Miðskógi
Yngvi Finnbogason, Sauðafelli

Endurskoðendur:

Magnús Guðmundsson, Skörðum
Guðlaugur Magnússon, Kolsstöðum

Í útbreiðslunefnd:

Bergjón Kristjánsson, Snóksdal
Jóhann Kristjánsson, Bugðustöðum
Grímur Jónsson, Neðri-Hundadal
Ragnar Sigurðsson, Fremri-Hundadal
Jón Jónsson, Neðri-Hundadal

Pað vekur athygli í 2. grein fyrstu félagslaganna að þar er svohljóðandi málsgrein: „*Að safna og saman halda sönum sögum um afbragðshesta og afrek þeirra.*“ – Ekki hefur þó neitt varðveisist svo vitað sé af þessu tagi og er illt til þess að

vita að því skyldi ekki vera betur framfylgt, því af nógu er að taka eins og þegar hefur að nokkru leyti komið fram í þessu söguágripi félagsins.

Eins og áður hefur komið fram eru stofnendur félagsins 18 að tölu. Næstu 7 ár ganga samtals 21 maður í félagið, eru þá félagsmenn 39 alls. Á árunum 1937 – 1943 bættust um 40 félagar við og er þá meðlimatala orðin um 80. Því ekki er getið um nokkra, sem þá höfðu gengið úr félagini. Félagar eru þá úr nær öllum sveitum sýslunnar og á þessum árum stendur hagur félagsins traustum fótum. Nú eru félagsmenn 152 að tölu, eða 7. hver íbúi í Dalasýslu.

Í nokkrum fundargjörðum er getið samþykkta um ferðir um héraðið á hestum. Ekki kemur fram hve margar af þessum fyrirhugðu ferðum hafa verið farnar, því eiginlega starfsskýrslu vantar.

Annað slagið kemur fram í gjörðabókum að unnið er að endurbótum og viðhaldi skeiðvallar og girðinga eins og eðlilegt má telja.

Vorið 1932 er fyrsti kynbótahesturinn keyptur. Hlaut hann nafnið *Glaður*. Hann var þá 2ja vetra, jarpur að lit, sonarsonur Páttar á Kleifum. Móðurætt frá Gilsbakka. Undan hesti þessum komu a.m.k. 5 hross, er unnu til verðlauna. Flest í fyrsta skipti í folahlaupi á Nesodda. Glaður var notaður til kynbóta í 4 ár, síðan seldur sem reiðhestur til Reykjavíkur. – Næsti kynbótahestur var *Hrafn*, keyptur af Þorbirni Ólafssyni bónda á Harrastöðum. Folinn var notaður í 2 ár og undan honum komu nokkur verðlaunahross, enda var Hrafn af Skógríkum. Priðji kynbótahesturinn var svo keyptur utan héraðs, nefndur *Fálki*, ættaður norðan frá Blöndudal í Húnvatnssýslu. Fálki var af ætt *Pokka* frá Brún.

Kappreiðar hafa árlega farið fram á Nesodda, allt frá stofnun félagsins – að undanteknu árinu 1954, þá fellið þær niður samkvæmt ákvörðun aðalfundar þá um vorið. Á aðalfundum kemur stundum fram að þátttaka sé dræm en alltaf rættist úr málum nema þetta ár.



Jón Sumarliðason, hreppstjóri á Breiðabólstað var aðalhvataður á heimaskóðum að stofnun Glaðs og formaður félagsins í 28 ár.



Guðrún Magnúsdóttir, húsfreyja á Breiðabólssstað í Miðdolum situr í söðli á reiðhesti sínum heima á hlaði.

Á fyrstu árum kappreiðamótanna var ekki unnið við skráningu hesta fyrir mótsdag. Var þá ekki vitað um þátttöku fyrr en mótsdaginn.

Frá stofnun Glaðs hafa eftirtaldir menn gegnt formannsstörfum:

- Jón Sumarliðason, Breiðabólssstað 1928 – 1935
- Magnús Guðmundsson, Skörðum, 1935 – 1937
- Jón Sumarliðason, Breiðabólssstað 1937 – 1958
- Baldvin Þórarinsson, Svarfhóli 1958 – 1966
- Bjarni Finnbogason, Búðardal 1966 – 1968
- Baldvin Þórarinsson, Svarfhóli 1968 – 1971
- Jón Hallsson, Búðardal 1971 – 1979
- Hólmar Pálsson, Erpsstöðum 1979 – 1982
- Kristján Jónsson, Hólum 1982 – 1985
- Skjöldur Stefánsson, Búðardal 1985 – 1988
- Kristján Gíslason, Laugum 1988 –



Ludvig C. Magnússon, skrifstofustjóri í Reykjavík veitti ómetanlegan stuðning við stofnun Glaðs.



Núverandi stjórn Glaðs. Aftari röð f.v.: Gunnar Svavarsson, Kristján Gíslason form., Eyjólfur Jónsson. Fremri röð f.v.: Bryndís Karlsdóttir ritari, Svandís Sigvaldadóttir gjaldkeri, Svavar Jensson.

Árið 1972 voru eftirtaldir félagar Glaðs kjörnir heiðursfélagar samkvæmt tillögu stjórnarinnar:

Gísli Þorsteinsson, Þorgeirsstaðahlíð
Bergjón Kristjánsson frá Snóksdal
Magnús Guðmundsson, Skörðum
Jóhann Kristjánsson frá Bugðustöðum
Grímur Jónsson, Hundadal
Ragnar Sigurðsson, Hundadal
Yngvi Finnbogason frá Sauðafelli
Ólafur Finnbogason frá Sauðafelli
Pétur Sveinsson frá Skallhlóli
Guðlaugur Magnússon frá Kolsstöðum.

Áður höfðu verið kjörnir heiðursfélagar þeir

Jón Sumarliðason frá Breiðabólsstað
Oddur Eysteinsson, Snóksdal

Árið 1978 voru þessir menn kjörnir heiðursfélagar:

Ágúst Sigurjónsson, Erpsstöðum
Guðmundur Guðbrandsson, Hóli
Magnús Gestsson, Hrafnabjörgum
Jón Jósefsson frá Sámsstöðum
Guðbjörn Ketilsson, Hamri

Á árinu 1983 var Jón Hallsson Búðardal kjörinn heiðursfélagi.

Á árinu 1988 voru svo þessir menn kosnir heiðursfélagar:

Kristján Magnússon, Seljalandi
Björn Þórðarson, Blönduhlíð
Jóhannes Stefánsson, Kleifum

Margir af þessum heiðursfélögum höfðu gerst stofnfélagar en aðrir starfað lengi og vel í þágu félagsins. Í formannssæti sat lengst Jón Sumarliðason, hreppstjóri, Breiðabólstað og næst honum Baldvin Þórarinsson, bóndi á Svarfhóli, 11 ár. Hins vegar var það Gísli Þorsteinsson í Porgeirsstaðahlíð, sem lengst allra sat í stjórn félagsins, eða alls í 38 ár sem gjaldkeri. – Auk þess var hann oft í dómnefnd á kappreiðum, stundum ræsir svo og þulur í fjöldamörg ár.


JARÐAKAUP OG AÐRAR FRAMKVÆMDIR GLAÐS

Á almennum félagsfundi 27. janúar 1972 var samþykkt að kaupa jörðina Svarfhól í Miðdöllum, sem þá hafði verið til sölu. Hefur jörðin síðan verið til afnota fyrir tamningastöð, félagsmenn unnið nokkuð við viðhald girðinga og húsa, en að öðru leyti ýmist leigð til ábúðar, eða aðeins látið heyja túnið.

Á aðalfundi félagsins 30. apríl 1982 var að loknum umræðum samþykkt eftirfarandi tillaga:

„Aðalfundur Glaðs 30. apríl 1982 samþykkir að fela stjórninni að vinna að undirbúningi að byggingu hesthúss í Búðardal og leggja tillögur fyrir næsta aðalfund, eða aukafund, sem tæki ákvörðun um framkvæmdir. Enn fremur að leita eftir samstarfi við Hrossaræktarsamband Dalamanna og hesteigendafélag Búðardals um byggingu hesthúss.“ Að tveimur árum liðnum frá samþykkt þessari var húsið risið af grunni og tekið í notkun. Ýmislegt var þó eftir við frágang og mátti segja að á árinu 1987 væri húsið og umhverfi þess að mestu lokið.

Hesthúsbyggingin hefur orðið félaginu þess kostnaðarsamasta framkvæmd, en þó mun nú sjá vel fram úr henni, enda eignir félagsins á 3. milljón króna. Hesthúsið var byggt í Búðardal og hefur verið í stöðugri notkun síðustu ár.



Hófgerði 2, Búðardal, hesthús félagsins. Ljósm. Stefán Borgþórsson.



Svarfhóll í Miðdöllum. Ljósm. Stefán Bergþórsson.



Dómpallur á Nesodda, reistur 1986. Ljósm. Stefán Bergþórsson.

TAMNINGASTÖÐVAR

Búnaðarsamband Dalamanna hóf rekstur tamningastöðvar árið 1960 í Pálsseli í Laxárdal. Næsta ár, 1961 rak sambandið tamningastöð að Hrafnabjörgum í Hörðudal. Tamningamenn voru þeir Björn Þórðarson, Lúðvík Þórðarson og Skarphéðinn Pálsson.

Það er svo ekki fyrr en á fundi í féluginu árið 1967, að samþykkt er „að beina þeim tilmælum til Búnaðarsambands Dalamanna hvort það sjái sér ekki fært að koma á tamningastöð hér í sýslunni, helst nú á þessu vori, eða sumri. Telur



Dúkka frá Hrappsstöðum, 9 v. Faðir: Ófeigur 818. Móðir: Drífa 3974. Eig.: Alvilda Póra Elísdóttir. Knapi: Hróðmar Bjarnason. Dúkka stóð efst í B-flokki á Nesodda 1982 með einkunnina 8.56. Á fjórðungsmótinu á Kaldármelum 1984 stóð hún efst í B-flokki með einkunnina 8.56.



Drífandi frá Hrappsstöðum, 8 v. Faðir: Funi 944. Móðir: Drífa 3974. Eig. Grettir Guðmundsson, Búðardal.
Knapi: Guðmundur Ólafsson. Drífandi stóð efstur í B-flokki á Nesodda 1988 með einkunnina 8.23. Ljósm.
Eiríkur Jónsson.



8 Hryssan *Rispa*, ættb. nr. 6826, eig. Skjöldur Orri Skjaldarson, Búðardal, knapi: Jón Ægisson. Myndin tekin á Kaldármelum 1988. – *Rispa* var efst í B-flokki gæðinga á Nesodda 1987 og var þá talin glæsilegasti hestur mótsins.



Björn Pórðarson tamningamaður situr á hryssunni *Fjöður*. Teymir bleikan fola, sem var í tamningu. – Myndin tekin uppi á Holtavörðuheiði árið 1937.

hestamannafélagið sig reiðubúið til samstarfs í þessu máli, ef til framkvæmda kemur.“

Á fundi 1968 er skýrt frá því að ekki verði um samstarf að ræða við Búnaðarsambandið en stjórninni falið að kanna aðstæður með tamningastöð.

Árið 1969, 14. júní er ákveðið að félagið reki tamningastöð. Búið er þá að ráða tvo tamningamenn, þá Björn Pórðarson og Odd Eysteinsson og var þeim fengin aðstaða á Kolsstöðum. Á Kolsstöðum var svo rekin tamningastöð árin 1969 – 1971. Eftir það fóru tamningar fram um hríð á Svarf-



Snarfari frá Þorbergsstöðum, eig. Skjöldur Stefánsson, Búðardal,
Knapi: Hróðmar Bjarnason. Myndin tekin 1982 á Nesodda, þegar
Snarfari stóð efstur í A-flokki gæðinga.

hóli, en eftir að félagið eignaðist hesthús í Búðardal hefur miðstöð tamningastarfsemi flust þangað. Hefur tamningastarfsemin aldrei fallið niður hin síðari ár.

Af félagsmönnum Glaðs hefur enginn unnið jafn lengi við tamningar en Björn Þórðarson, Blönduhlíð, eða yfir 20 ár.